

IV. ՀՀ ԱՆ ԱՇԽԱՏԱԿԱԶՄԻ ԱՌՈՂՋԱՊԱՀԱԿԱՆ ՊԵՏԱԿԱՆ ՏԵՍՉՈՒԹՅԱՆ ԵՎ ՀՀ ԱՌՈՂՋԱՊԱՀԱԿԱՆ ԵՎ ԱՇԽԱՏԱՆՔԻ ՏԵՍՉԱԿԱՆ ՄԱՐՄՆԻ ՄԻՋԵՎ ԳՈՒՅՔԻ, ԱՅՌԹՎՈՒՄ՝ ՓԱՍՏԱԹՂԹԵՐԻ ՀԱՆՁՆՈՒՄ-ԸՆԴՈՒՆՈՒՄԸ

Տեսչական մարմինը 2017թ.-ին սահմանված կարգի համաձայն գույքագրում չի իրականացրել

ՀՀ ԱՆ աշխատակազմի առողջապահական պետական տեսչության և Տեսչական մարմնի միջև տեղի չի ունեցել գույքի հանձնում-ընդունում

ՀՀ առողջապահության նախարարության գլխավոր քարտուղարի 2018թ.-ի նոյեմբերի 28-ի ՀՀ/11-2/17319-18 գրության համաձայն ՀՀ առողջապահության նախարարության աշխատակազմի առողջապահական պետական տեսչության լուծարումից հետո առ այսօր ՀՀ ԱՆ-ի կողմից տեսչության գույքի, այդ թվում՝ փաստաթղթերի գույքագրում չի իրականացվել: «ՀՀ հանրային հատվածի կազմակերպությունների ակտիվների և պարտավորությունների պարտադիր գույքագրման անցկացման կարգը և ժամկետները» սահմանելու մասին 08. 01. 2016թ. -ի N 2-Ն հրամանի 6-

րդ կետի համաձայն տարեկան ֆինանսական հաշվետվություններ կազմելուց առաջ պարտադիր գույքագրման ենթակա են կազմակերպության բոլոր ակտիվներն ու պարտավորությունները: *Տեսչական մարմինը 2017թ.-ին վերը նշված կարգի համաձայն գույքագրում չի իրականացրել:*

ՀՀ ԱՆ աշխատակազմի առողջապահական պետական տեսչության և Տեսչական մարմնի միջև տեղի չի ունեցել գույքի հանձնում-ընդունում:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ. -ի հունվարի 1-ից 2018թ. -ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. ՀՀ ԱՆ աշխատակազմի առողջապահական պետական տեսչության լուծարումից հետո առ այսօր ՀՀ ԱՆ-ի կողմից տեսչության գույքի, այդ թվում՝ փաստաթղթերի գույքագրում չի իրականացվել, ինչը չի համապատասխանում ՀՀ ֆինանսների նախարարի «ՀՀ հանրային հատվածի կազմակերպությունների ակտիվների և պարտավորությունների պարտադիր գույքագրման անցկացման կարգը և ժամկետները» սահմանելու մասին 08. 01. 2016թ. -ի N 2-Ն հրամանի 7-րդ կետին, այն է՝ կազմակերպության վերակազմակերպման և լուծարման դեպքերում պարտադիր գույքագրման ենթակա են կազմակերպության բոլոր ակտիվներն ու պարտավորությունները:
2. ՀՀ ԱՆ աշխատակազմի առողջապահական պետական տեսչության և Տեսչական մարմնի միջև տեղի չի ունեցել գույքի հանձնում-ընդունում:
3. Տեսչական մարմինը 2017թ. -ին չի իրականացրել պարտադիր գույքագրում «ՀՀ հանրային հատվածի կազմակերպությունների ակտիվների և պարտավորությունների պարտադիր գույքագրման անցկացման կարգը և ժամկետները» սահմանելու մասին 08. 01. 2016թ. -ի N 2-Ն հրամանի 6-րդ կետի համաձայն, այն է՝ տարեկան ֆինանսական հաշվետվություններ կազմելուց առաջ պարտադիր գույքագրման ենթակա են կազմակերպության բոլոր ակտիվներն ու պարտավորությունները:

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմին՝

1. ՀՀ ԱՆ-ի հետ ստորագրել ՀՀ ԱՆ աշխատակազմի լուծարված առողջապահական պետական տեսչության փաստաթղթերի հանձման-ընդունման ակտ:
2. Իրականացնել կազմակերպությունների ակտիվների և պարտավորությունների ամենամյա պարտադիր գույքագրում:

ՀՀ Առողջապահության նախարարությանը՝

1. Կազմակերպության վերակազմակերպման և լուծարման դեպքերում իրականացնել կազմակերպության բոլոր ակտիվների ու պարտավորությունների պարտադիր գույքագրում:
2. Համեմատել Տեսչական մարմնի կողմից կատարված գույքագրումը ՀՀ առողջապահության նախարարության աշխատակազմի առողջապահական պետական տեսչության մինչև լուծարումը կատարված վերջին գույքագրման հետ՝ հնարավոր անհամապատասխանություններից խուսափելու նպատակով:

Տեսչական մարմինների աշխատանքների համակարգման գրասենյակին՝

1. Հետամուտ լինել ՀՀ ԱՆ-ի և Տեսչական մարմնի միջև գույքի և փաստաթղթերի հանձման-ընդունման, գույքագրման գործընթացների պատշաճ իրականացմանը:

Հաշվեքննության օբյեկտների ղեկավարների պատասխան

Տեսչական մարմին՝

Տեսչական մարմնի կողմից այս կետի վերաբերյալ ներկայացված դիրքորոշումներն էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

ՀՀ առողջապահության նախարարություն՝

ՀՀ ԱՆ-ի կողմից այս կետի վերաբերյալ ներկայացված դիրքորոշումներն էական առումներով որևէ հիմնավոր պարզաբանումներ չեն պարունակել, կրել են հիմնականում բացատրական բնույթ և հաշվեքննության խմբի կողմից չեն ընդունվել:

V.«ԶՎԱՐԹՆՈՑ» ՄԻՋԱԶԳԱՅԻՆ ՕԴԱՆԱՎԱԿԱՅԱՆԻ ՍԱՀՄԱՆԱՅԻՆ ԲԺՇԿԱՍՍԱՆԻՏԱՐԱԿԱՆ ՀՍԿԻՉ ԿԵՏՈՒՄ ԱՌԿԱ ՀԵՌԱՀԱՐ ԶԵՐՄԱՉԱՓՄԱՆ ՍԱՐՔԵՐ-ՍԱՐՔԱՎՈՐՈՒՄՆԵՐԸ



Նկար 4

Տեսչական մարմնի սահմանային բժշկասանիտարական հսկիչ կետերում առկա են հեռահար ջերմաչափման թանկարժեք սարքավորումներ: «Զվարթնոց» միջազգային օդանավակայանի սահմանային բժշկասանիտարական հսկիչ կետում առկա են երկու ստացիոնար՝ յուրաքանչյուրը **38,416,9** հազ. դրամ և երկու տեղափոխելի ջերմաչափեր՝ յուրաքանչյուրը **22,473,1** հազ. դրամ արժողությամբ, որոնք ձեռք են բերվել 2016թ.-ի դեկտեմբերի 12-ին ԵԱՏՄ-ի շրջանակներում: «Զվարթնոց» միջազգային օդանավակայանի ժամանման սրահում տեղակայված հեռահար

ջերմաչափման ստացիոնար սարքերից մեկը (Տե՛ս նկար 3) տեղադրված է եղել 2017թ. -ի ամռանը: **Տեղադրման հաջորդ օրվանից առաջացել են ծրագրային խնդիրներ և ստացիոնար սարքը այլևս չի օգտագործվել:** Զերմաչափումը իրականացվում է տեղափոխելի հեռահար ջերմաչափերով(Տե՛ս նկար 4): ՀՀ ԱՆ-ի կողմից ստացված տեղեկատվության համաձայն սարքերը գտնվել են երաշխիքային սպասարկման մեջ և Տեսչական մարմնի կողմից սարքերի անսարքության մասին պատշաճ չիրազեկվելու հետևանքով ՀՀ



Նկար 3

ԱՆ-ի կողմից չի կազմակերպվել սարքերի սպասարկումը:

Այսպիսով, հաշվի առնելով վերոգրյալը, հաշվեքննող խումբը հաշվեքննող ժամանակաշրջանում՝ 2017թ. -ի հունվարի 1-ից 2018թ. -ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. «Զվարթնոց» միջազգային օդանավակայանի յուրաքանչյուր **38,416,9** հազ. դրամ արժողությամբ հեռահար ջերմաչափման ստացիոնար սարքերը, գտնվելով երաշխիքային սպասարկման մեջ, մինչ օրս չեն աշխատում:

Առաջարկություններ

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Հետամուտ լինել ջերմաչափման ստացիոնար սարքերի գործարկմանը և օգտագործմանը: Անսարքությունների դեպքում համագործակցել ՀՀ ԱՆ-ի հետ սարքերի երաշխիքային սպասարկումը կազմակերպելու համար: